



Bibel tu angka dakdanak  
patomutomuhon

Tingki panompaon ni  
Debata di sasude



Sinurathon ni: Edward Hughes

Illustrasi sian: Byron Unger; Lazarus

Sinadur ni: Bob Davies; Tammy S.

Nihatabatakhon ni: Marihot Siahaan

Hinaruarhon ni: Bible for Children  
[www.M1914.org](http://www.M1914.org)

©2011 Bible for Children, Inc.


Ijin: Manang ise pe, boi do mamotokopi manang  
pagandahon cerita on, asal ma unang digadis.



Ise do na manompa hita? Di bagasan  
Bibel, Hata ni Debata, dipabotohon  
do boha parmulaan ni jolma.




Ditompa Debata ma jolma na parjolo  
hian jala digoari ibana si Adam.




Ditompa Debata si Adam sian orbuk  
ni tano. Dung diullushon Debata  
hosa hangoluan tu si Adam, gabe  
mangolu ma  
ibana.



Diboto ibana ma na di sada porlak  
na uli do ibana, i ma porlak Eden.



Andorang so ditompa Debata si Adam, ditompa Ibana ma portibion, uli jala gok dohot angka ragam ni na uli di atasna.



Dung i ditompa Debata ma angka  
dolok dohot halongan, bunga na  
angur dohot hau na timbo, angka  
pidong na marimbulu



na hillong, ...

... dohot loba na marngongong,  
dengke paus na marlange dohot  
langkitang na manginsir. Patar ma,  
ditompa Debata do saluhut




nasa na adong.

Di mula ni mulana,  
andorang so adong  
dope na tinompa ni  
Debata, holan  
Debata do na  
adong. Ndang  
adong jolma  
manang inganan,  
ndang adong  
dope agia aha.



Ndang adong na tiur  
jala ndang adong na  
holom. Ndang  
adong na  
timbo, jala  
ndang adong  
na toru.



Ndang adong nantuari,  
jala ndang adong  
marsogot. Holan  
Debata na so  
marmula i  
do na adong.  
Dung i mangula  
ma Debata!




Dimulana i, ditompa Debata  
ma langit dohot tano on.



Ndang marrumang  
jala tarulang  
dope tano  
on.




Jala haholomon  
nanutupi  
angka  
aeck.




Dungi mangkuling

ma Debata.


"Jadi ma  
na tiur."




Jadi tiur ma tutu. Digoar Debata  
ma na tiur i arian jala na holom i  
digoar Iбана Borngin.



Dungi bot ma ari jala torang ma ari  
muse. I ma ari parjolo.



Di ari paduahon, diboan Debata  
ma angka aek ni laut dohot tao tu  
toru ni langit. Di ari patoluhon,  
mangkuling ma Debata,



“tarida ma tano na mahiang.”  
Jala manjadi ma songon i.




Disuru Debata ma asa tarida angka  
duhut dohot bunga dohot  
sugasuga dohot  
angka hau.




Dung i tarida ma nasida. Bot ma  
ari jala torang ma ari  
muse, i ma ari  
patoluhon.



Dung i ditompa Debata  
ma mata ni ari, dohot  
bulan, dohot bintang.



Mansai torop do angka i,  
so taretong ni jolma.  
Dung i bot ma ari jala  
torang ma ari muse i  
ma ari paopathon. \*



Angka binatang laut  
dohot dengke dohot  
angka pidong, i  
ma angka naeng  
ditompa Debata  
muse. Di ari  
palimahon ditompa  
Debata ma angka  
dengke, unto dohot  
angka pidong  
na metmet.



Ditompa Debata  
ma sude ragam  
ni dengke  
manggohi  
angka aek  
dohot sude  
ragam ni pidong  
manghalashon  
tano i, laut dohot  
aoangoaang.



Dungi bot ma ari  
jala torang ma  
ari muse, i ma  
ari palimahon.



Dung i, mangkuling ma muse Debata.  
Didok Iбана ma "Dipantubuhon tano  
i ma angka na mangolu..." Jadi ma  
sude ragam ni binatang dohot lipan  
dohot angka gulok.



Adong gaja na mambahen humutur  
tano dohot berang na so olo  
maradian. Angka bodat na jungkat  
dohot buaea parila. Angka gea na  
margeagea dohot padidit na garang.

Jerapa na marudurudur dohot  
huting na marngeong.



Sude mansam ni binatang ditompa  
Debata di ari i. Dung i bot ma ari  
jala torang ma ari muse, i ma ari  
paonomhon.



Diula Debata do na asing, na mansai  
andul, di ari paonomhon i. Nuaeng  
sasudena nunga rade di jolma  
i. Angka sipanganon  
nunga rade di porlak  
I dohot angka  
binatang laho  
pangoluhon  
ibana.



Jala mangkuling ma Debata,  
"Tatompa ma jolma tumiru  
rupanTa. Ibane  
ma mangarajai  
sude na adong di  
atas tano on."



DUNGI DITOMPA DEBATA MA  
JOLMA I TUMIRU RUPANA;  
TUMIRU RUPA NI  
DEBATA IBANA  
DITOMPA...



Didok  
Debata  
ma tu  
si Adam.

"Pangan ma  
manang aha  
lomo ni roham  
sian porlak on.



Alai unang  
pangan  
sian hau  
parbinotoan  
ni na denggan  
dohot na roa.  
Molo dipangan ho  
sian hau i, ingkon  
mate do ho."



Jala mangkuling ma Tuhan Debata,  
"Ndang denggan jolma I  
punjung sasadasa.  
Bahanonku ma  
pangurupi di ibana."



Diboan Debata ma angka  
pidong dohot angka  
binatang buas tu si  
Adam. Dibahen si  
Adam ma goargoarna  
sude.



Tontu naung malo do ibana umbahen  
na boi mangulahon sudena i. Alai  
di sasude angka pidong  
dohot binatang buas i,  
ndang adong na talup  
gabe dongan ni si

Adam.



Dibahen Debata ma si Adam  
tarpodom, mansai renges. Dibuat  
ma sada rusuk ni  
baoa na modom i,  
dibahen Debata  
ma Boruboru  
sian rusuk ni  
si Adam i.



Jala boruboru nabinahenNa  
i mansai talup gabe  
dongan ni si  
Adam.



Jadi di bagasan onom ari do  
Debata manompa sude nasa  
na adong. Dung i dipasupasu  
Debata ma ari papituhon  
jala dibahen gabe ari  
paradianan.



Di Porlak Eden i, dioloi si Adam dohot si Hawa do Debata di bagasan las ni roha. Debata do Tuhan, Pangurupi dohot dongan nasida.



Tingki panompaon ni Debata di sasude  
Dapot do sada barita sian hata ni Debata,

ima Bibel,

1 Musa 1-2

“Pangungkapon di angka hata Mi do patiur  
parnidaan.” Psalmen 119:130





Ujungna



Dipabotohon Carita Bibel on tu hita taringot tu Debata na sun hinagogo, na manompa jala na manghasiholi ho asa mananda Ibana.

Diboto Debata do naung taulahon angka na roa, i ma dosa. Hamatean do uhum ni dosa, alai mansai holong do roha ni Debata di Ho, i do umbahen na ditongos AnakNa na sasada i, Jesus. Nunga mate tarsilang jala hona uhum Ibana ala ni dosam. Dung i mulak mangolu ma Ibana, jala mulak muse tu Banua Ginjang! Molo porsea ho di Jesus jala dipangido roham asa disesa dosam, sai na patupaonNa do il! Ro do Ibana jala mian di bagasan ho saonari, dung i mangolu ma ho rap dohot Ibana ro di salelengna.



Molo porsea do ho di hasintongan on,  
dok ma songon on tu Debata:

O Jesus, porsea do ahu na Debata do Ho, jala  
naung gabe jelma. Naung mate do Ho ala ni  
dosangku, alai nuaeng mulak mangolu do Ho.

Ro ma Ho tu ngolungku jala sesa ma dosangku,  
asa dapot ahu ngolu na imbaru, jala molo ro  
tingkina, gabe rap ahu dohot Ho ro di  
salelengna. Urupi ma ahu mangoloi Ho jala  
mangolu di Ho songon anakhonMu. Amen.

Jaha ma Bibel i jala manghatai ma ho dohot  
Debata ganup ari! Johannes 3:16

